

# Starfsábyrgðartrygging vegna starfrækslu bílaleigu

Skilmáli nr. SA-10

sbr. lög nr. 65/2015 og reglugerð nr. 840/2015

Í skilmála þessum merkir hugtakið "félagið" Vörð tryggingar hf.

- 1. gr. Lög um váttryggingarsamninga**  
Um váttrygginguna gilda lög nr. 30/2004 um váttryggingarsamninga.
- 2. gr. Gildissvið váttryggingarinnar**
  - 2.1 Váttryggð er bílaleiga sú sem tiltekin er á váttryggingarskírteini eða endurnýjunarkvittun.
  - 2.2 Váttryggt er gegn bótaskyldu, er fellur á váttryggðan vegna starfrækslu bílaleigu. Skal váttryggingin bæta leigutökum almennt fjártjón er stjórnendur og starfsmenn bílaleigunnar hafa bakað þeim vegna vanefndar á samningi, sem gerður hefur verið um leigu á bifreið eða öðru skráningarskyldu vélknúnu ökutæki. Eingöngu beint fjárhagslegt tjón skal bætt úr váttryggingunni. Nánar um gildissvið fer skv. 1. mgr. 4. gr. reglugerðar nr. 840/2015. Váttryggingin gildir hvar sem er innan Evrópska efnahagssvæðisins.
- 3. gr. Undanskildar áhættur**  
Váttryggingin tekur ekki til ábyrgðar, sem verður rakin til:
  - 3.1. Ásetnings váttryggðs eða starfsmanns hans.
  - 3.2. Ábyrgðar sem váttryggður tekur á sig og er víðtækari en bótaskylda almennt skv. leigusamningi um bifreið eða annað skráningarskyld vélknúð ökutæki.
  - 3.3. Sekta, sem falla á váttryggðan eða þriðja mann.
  - 3.4. Slyss á manni, annars líkamstjóns eða skemmda á munum.
  - 3.5. Starfsemi váttryggðs utan Evrópska efnahagssvæðisins eða bótaábyrgðar sem er ríkari en eftir þeim reglum sem þar gilda um skaðabótgrundvöll eða ákvörðun bótafjárhæðar.
- 3. gr. Váttryggingarfjárhæð**
  - 3.1. Ábyrgð félagsins vegna hverrar skaðabótakröfu takmarkast við fjárhæð sem tiltekin er á skírteini eða endurnýjunarkvittun. Heildargreiðsla félagsins vegna allra skaðabótakrafna innan hvers váttryggingarárs fer eftir fjölda ökutækja til útleigu, sbr. 4. mgr. 4. gr. reglugerðar nr. 840/2015 eins og nánar er tilgreint í váttryggingarskírteini eða endurnýjunarkvittun. Váttryggingarfjárhæð þessi breytist eftir vísitölu, sbr. 16. gr. váttryggingarskilmálanna.
  - 3.2. Félagið greiðir kostnað, sem eðlilegt er að váttryggður stofni til vegna ákvörðunar um skaðabótaskyldu eða bótafjárhæð, enda þótt greiðsla félagsins fari af þeim sökum fram úr váttryggingarfjárhæðinni. Sama gildir um vexti, sem váttryggður er dæmdur til að greiða af skaðabótakröfu, sem váttryggingin tekur til.
  - 3.3. Sé váttryggingarfjárhæðin lægri en dæmdar skaðabætur, er félaginu þó aðeins skylt að greiða þann hluta vaxta og kostnaðar, er svarar til bótafjárhæðar þeirrar, sem því ber að greiða.
- 4. gr. Eigin áhætta**  
Af hverju tjóni ber váttryggingartaki eigin áhættu eins og getið er í váttryggingarskírteini eða endurnýjunarkvittun. Fjárhæð þessi breytist árlega eftir vísitölu, sbr. 16. gr. váttryggingarskilmálanna. Eigin áhætta váttryggingartaka hefur ekki áhrif á réttarstöðu þriðja manns.
- 5. gr. Eigin áhætta**
  - 5.1 Af hverju tjóni ber váttryggingartaki eigin áhættu eins og getið er í váttryggingarskírteini eða endurnýjunarkvittun. Eigin áhætta váttryggingartaka hefur ekki áhrif á réttarstöðu þriðja manns.
- 6. gr. Gildistaka – greiðsla iðgjalds - uppsagnarréttur**
  - 6.1 Váttrygging þessi tekur gildi þegar að félagið eða umboðsmaður þess hefur samþykkt váttryggingarbeiðni. Iðgjald ber að greiða þegar váttryggingin tekur gildi og síðari iðgjöld á tilgreindum gjalddögum. Félagið sendir váttryggingartaka tilkynningu um greiðslu iðgjaldsins. Í tilkynningunni skal greiðslufrestur tilgreindur sérstaklega sem skal vera einn mánuður hið skemmsta frá þeim degi sem tilkynningin er send. Sé iðgjald ekki greitt innan greiðslufrests reiknast dráttarvextir á iðgjaldið.
  - 6.2 Sé iðgjald ekki greitt þegar greiðslufresti lýkur skv. 1. mgr. er félaginu heimilt að senda sérstaka aðvörun, þar sem greiðslu er krafist innan 14 daga, ella fellur váttryggingin og ábyrgð félagsins niður, sé iðgjald þá enn ógreitt. Váttryggingartaki skal engu að síður greiða iðgjald fyrir það tímabil sem váttrygging var í gildi.
  - 6.3 Hafi váttryggingartaki ekki samið sérstaklega við félagið um greiðslu iðgjaldsins áður en frestur skv. 2. mgr. rennur út telst það ógreitt, ef það er ekki að fullu greitt þegar fresturinn er úti.
  - 6.4 Krafa um greiðslu iðgjalds er send á heimilisfang váttryggingartaka sem tilgreint er í þjóðskrá nema hann hafi tilgreint annað heimilisfang sérstaklega. Breytingar á heimilisfangi skal þegar í stað tilkynna félaginu.
  - 6.5 Váttryggingin gildir fyrir það tímabil sem tiltekið er í váttryggingarskírteini eða endurnýjunarkvittun. Að því loknu endurnýjast váttryggingin sjálfkrafa í eitt ár í senn, sé váttryggingunni ekki sagt upp af hálfu váttryggingartaka innan mánaðar frá því félagið sendi endurnýjunarkvittun. Váttryggingataka er þó ekki skylt að tilkynna uppsögn fyrr en með 15 daga fyrirvara fyrir endurnýjun. Váttryggingartaka er jafnframt heimilt að segja upp váttryggingu, sem endurnýjast sjálfkrafa, vegna flutnings váttryggingarinnar til annars félags, sbr. 14. gr. og 75 gr. laga um váttryggingarsamninga nr. 30/2004. Skal þá tilkynna félaginu um uppsögn með mánaðar fyrirvara og miðast uppsögn við næstu mánaðamót þar á eftir. Upplýsa skal til hvaða váttryggingafélags er flutt og frá hvaða tíma. Þegar váttryggingin er tekin vegna atvinnurekstrar, þar sem umfang rekstraraðila samsvarar fleiri en fimm ársverkum eða starfsemi fer að mestu leyti fram erlendis, getur váttryggingartaki aðeins sagt váttryggingunni upp við endurnýjun hennar og skal uppsögn í síðasta lagi hafa borist félaginu einum mánuði fyrir lok váttryggingartímabilsins. Félagið áskilur sér rétt til iðgjaldabreytinga og/eða skilmálabreytinga við endurnýjun váttryggingarinnar.

- 6.6 Séu sérstakar ástæður fyrir hendi skv. 18. gr. laga nr. 30/2004 um váttryggingarsamninga er félaginu heimilt að segja upp váttryggingarsamning með 60 daga fyrirvara fyrir endurnýjun. Félagið sendir þá frá sér tilkynningu þess efnis skv. ákvæðum sömu laga.
- 6.7 Váttryggingunni lýkur, hafi starfsleyfi bílaleigunnar verið fellt niður eða leyfið lagt inn hjá samgönguráðuneyti.
- 6.8 Enda þótt váttryggingin sé fallin úr gildi, ber félagið ábyrgð gagnvart tjónþola á hverju tjóni, sem rekja má til tjónsatvika, sem verða þar til 8 vikur eru liðnar frá því að félagið tilkynnti bílaleigu (váttryggingartaka) og innanríkisráðuneyti að váttryggingin væri fallin úr gildi, nema önnur fullnægjandi váttrygging hafi verið tekin fyrir þennan frest.
- 7. gr. Upplýsingaskylda váttryggingartaka**
- 7.1 Við gerð eða endurnýjun váttryggingarsamnings ber váttryggingartaka, eða eftir atvikum váttryggðum, að veita félaginu þær upplýsingar um váttryggingaráhættuna sem félagið óskar. Sömmuleiðis ber váttryggingartaka, og eftir atvikum váttryggðum, að greina félaginu frá sérstökum atvikum sem hann veit eða má vita að hafa þýðingu fyrir mat félagsins á áhættunni.
- 7.2 Skýri váttryggingartaki sviksamlega frá eða leyni atvikum, er skipta máli um áhættu félagsins, eða gefur að öðru leyti rangar upplýsingar til félagsins, getur það haft í för með sér að bótaábyrgð félagsins takmarkast eða fellur niður skv. 20. gr. laga um váttryggingarsamninga nr. 30/2004.
- 8. gr. Tímatakörk**
- 8.1. Váttryggingin tekur til skaðabótakröfu gegn váttryggðum er til stofnast á váttryggingartímanum.
- 8.2. Skaðabótakrafa telst hafa stofnast við það tímamark að hið fyrra af eftirfarandi tilvikum hefur borið að höndum:
- a. Að þriðji maður gerir skriflega skaðabótakröfu á hendur váttryggðum.
- b. Að váttryggðum verður fyrst kunnugt um, að þriðji maður hefur orðið fyrir fjárhagslegu tjóni, sem kann að verða rakið til gáleysis váttryggðs eða starfsmanns hans, eða að bein hættu er á að slíkt tjón verði.
- 8.3. Váttryggingin tekur ekki til tjóns vegna skaðabótakröfu, sem stofnast hefur gegn váttryggðum á váttryggingartímanum, hafi krafan ekki verið tilkynnt félaginu í síðasta lagi 3 mánuðum eftir lok váttryggingarinnar. Þótt tjón teljist hafa orðið á váttryggingartímanum, og það hafi verið tilkynnt félaginu innan 3 mánaða eftir lok váttryggingarinnar, tekur váttryggingin ekki til slíks tjóns nema váttryggður hafi mótttekið skriflega skaðabótakröfu skv. tölulíð 2 a) og tilkynni það félaginu í síðasta lagi innan eins árs eftir lok váttryggingarinnar.
- 8.4. Skaðabótakröfu skv. gr. 8.2. bætir félagið ekki, hafi tjón orðið að einhverju leyti eða öllu áður en váttryggingartíminn hófst.
- 9. gr. Skyldur váttryggðs við tjónsatburð**
- 9.1 Þegar það atvik, sem váttryggt er gegn, hefur gerst, eða hættu er á því að það gerist, ber váttryggðum skylda til þess að reyna afstýra eða lágmarka tjónið. Hafi váttryggður af þessum sökum orðið fyrir útgjöldum mun félagið endurgreiða þau að því leyti sem þau teljast réttlætanagerleg. Vanræksla í þessu efni getur valdið lækkun eða missi bóta skv. 28. gr. laga nr. 30/2004 um váttryggingarsamninga.
- 9.2 Váttryggður skal veita félaginu þær upplýsingar og þau gögn sem hann hefur undir höndum eða getur útvegað og félagið þarf til þess að meta ábyrgð sína og greiða bætur. Ef váttryggður veitir af ásetningi rangar eða ófullnægjandi upplýsingar sem hann veit eða má vita að að leiða til þess að tjónþoli fær bætur, sem hann á ekki rétt á, fellur niður allur réttur hans samkvæmt váttryggingarsamningnum.
- 10. gr. Uppsagnarréttur félagsins**
- Félagið getur sagt upp þessum váttryggingarsamning vegna eftirfarandi aðstæðna, nema annað sé lögboðið:
- 10.1 Með 14 daga fyrirvara ef veittar eru rangar eða ófullnægjandi upplýsingar um váttryggða áhættu, sbr. 21. gr. laga um váttryggingarsamninga nr. 30/2004. Hafi váttryggingartaki sviksamlega vanrækt upplýsingaskyldu sína getur félagið sagt upp váttryggingunni sem og öðrum váttryggingarsamningum sem váttryggingartaki hefur hjá félaginu án fyrirvara.
- 10.2 Með viku fyrirvara ef váttryggður veitir af ásetningi rangar eða ófullnægjandi upplýsingar sem hann veit eða má vita að leiða til þess að hann fær greiddar bættur sem hann á ekki rétt til sbr. 47. gr. laga um váttryggingarsamninga nr. 30/2004. Félaginu er ennfremur heimilt að segja upp öllum öðrum váttryggingarsamningum sem váttryggður hefur hjá félaginu, með sama fyrirvara, þegar svo stendur á.
- 10.3 Með tveggja mánaða fyrirvara ef notkun váttryggðs hlutar, starfsemi váttryggðs, eða aðstæður að öðru leyti breytast á váttryggingartímabili á þann hátt að félagið hefði ekki samþykkt váttrygginguna ef slíkar upplýsingar hefðu legið fyrir við upphaf váttryggingartímabilsins.
- 10.3 Með tveggja mánaða fyrirvara, í kjölfar tjónsatviks og er félaginu jafnframt heimilt að segja upp öðrum váttryggingarsamningum sem váttryggingartaki hefur hjá félaginu með sama fyrirvara:
- 10.3.1 þegar tjónþungi váttryggingar er meiri en eðlilegt getur talist, t.d. 3 tjón eða fleiri á 12 mánuðum;
- 10.3.2 ef váttryggður hefur valdið tjóni af ásetningi;
- 10.3.3 ef váttryggður brýtur gegn varúðareglum;
- 10.3.4 ef alvarlegur trúnaðarrestur hefur orðið milli váttryggðs og félagsins.
- 11. gr. Meðhöndlun skaðabótakröfu**
- 11.1 Jafnskjótt og váttryggður fær vitneskju eða grun um að skaðabótakrafa verði gerð á hendur honum ber honum að tilkynna félaginu það skriflega.
- 11.2 Sé gerð skaðabótakrafa á hendur hinum váttryggða hefur félagið fyrirsvar vegna þeirrar kröfu og eru heimilar hvers kyns ráðstafanir til þess að meðhöndla kröfuna svo sem viðurkenningu á bótaskyldu, verjast kröfunni eða gera um hana samkomulag enda eru þessar ráðstafanir á kostnað félagsins svo og málskostnaður vegna þeirra.
- 11.3 Félagið er ekki bundið af því ef váttryggður greiði eða viðurkenni skaðabótakröfu nema leitt sé í ljós að váttryggður gerði aðeins það sem honum var skylt að lögum er hann greiddi kröfuna eða viðurkendi réttmæti kröfunnar.
- 12. gr. Aukin áhætta**
- Verði breytingar á atvikum eða upplýsingum, sem félaginu hefur verið skýrt frá í váttryggingarbeiðni, eða á annan hátt, skal váttryggingartaki tilkynna félaginu um þær.

**13. gr. Endurkröfuréttur**

- 13.1 Bæti félagið tjón sem þriðji maður ber ábyrgð á, öðlast það rétt váttryggðs gagnvart honum að því marki sem bótunum nemur.
- 13.2 Félagið á ætíð endurkröfurétt á hendur váttryggingartaka hafi félagið greitt bætur eftir að váttrygging hefur fallið niður, sbr. gr. 6.5

**14. gr. Útreikningur iðgjalds – endurgreiðsla iðgjalds**

- 14.1 Þegar iðgjaldið reiknast af breytilegum stærðum (svo sem veltu, vinnulaunum eða fjölda starfsmanna) skal áætla iðgjald í upphafi váttryggingartímabils, en endanlegt iðgjald greiðist við lok þess. Innan eins mánaðar frá lokum váttryggingartímabilsins er váttryggðum skylt að láta félaginu í té allar þær upplýsingar sem það telur nauðsynlegar til endanlegrar ákvörðunar iðgjalds. Berist upplýsingar þessar ekki í tæka tíð, má félagið ákveða endanlegt iðgjald eins og það telur sanngjarnt. Ef endanlegt iðgjald er hærra en bráðabirgðaiðgjald sem reiknað var, ber váttryggingartaka að greiða mismuninn innan 14 daga frá því að þess var krafist. Sé endanlegt iðgjald lægra en bráðabirgðaiðgjaldið, ber félaginu að endurgreiða mismuninn innan 14 daga, frá því að útreikningur gat farið fram.
- 14.2 Nýti váttryggingartaki eða félagið sér heimildir sínar, skv. þessum skilmála eða lögum nr. 30/2004 um váttryggingarsamninga, til þess að slíta váttryggingarsamningnum á váttryggingartímabilinu, endurgreiðir félagið iðgjald váttryggingarinnar hlutfallslega.

**15. gr. Samsömun**

Félaginu er heimilt að bera fyrir sig að starfsmenn váttryggingartaka eða váttryggðs hafi brotið gegn ákvæðum váttryggingarinnar skv. 3. mgr. 29. gr. laga nr. 30/2004 um váttryggingarsamninga.

**16. gr. Vísitölubreytingar**

Váttryggingarfjárhæðir skv. 4. gr. miðast við vísitölu neysliverðs, grunnvísitala 428,2 stig. Skulu þær breytast 1. maí ár hvert í hlutfalli við breytingar á þeirri vísitölu. Iðgjaldið og eigin áhætta breytast á sama hátt.

**17. gr. Varnarþing og lög sem eiga við**

- 17.1 Verði ágreiningur um váttrygginguna skal íslenskur dómstóll skera úr honum, skv. íslenskum lögum, nema annað leiði af þjóðréttarsamningi sem Ísland er bundið af.
- 17.2 Heimili félagsins og varnarþing er í Reykjavík. Ágreiningi um bótaskyldu má skjóta til Úrskurðarnefndar í váttryggingamálum. Upplýsingar um nefnd þessa og starfsháttu má fá hjá félaginu. Dómsmál sem kunna að rísa vegna þessa váttryggingarsamnings skulu rekin gegn félaginu fyrir Héraðsdómi Reykjavíkur.

**Skilmálar þessir gilda frá 01.01.2016**